

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članovima 29. i 46. Zakona o izvršavanju Budžeta Zeničko-dobojskog kantona za 2022. godinu, („Službene novine Zeničko-dobojskog kantona“, broj: 1/22 i 14/22), na prijedlog Ministarstva za privredu, Vlada Zeničko-dobojskog kantona, na 166. sjednici, održanoj dana 04.08.2022. godine, d o n o s i

ZAKLJUČAK
o usvajanju Programa utroška budžetskih sredstava
Ministarstva za privredu u 2022. godini
(Kapitalni transferi drugim nivoima vlasti - subvencije općinama
za poslovne zone i druge projekte)

I.

Usvaja se Program utroška budžetskih sredstava Ministarstva za privredu u 2022. godini - (Kapitalni transferi drugim nivoima vlasti - subvencije općinama za poslovne zone i druge projekte) u iznosu 1.000.000,00 KM (slovima: jedanmilion konvertibilnih maraka), koji čini sastavni dio ovog zaključka.

II.

Sredstva planirana ovim Programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Kantona u prethodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

III.

Zaključak stupa na snagu danom donošenja.

PREMIJER

Mirnes Bašić

Broj: 02-11-11981/22

Datum, 04.08.2022. godine

Z e n i c a

DOSTAVLJENO:

1x Ministarstvo za privredu,

1x Ministarstvo finansija,

1x a/a.

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
MINISTARSTVO ZA
PRIVREDU I GOSPODARSTVO



Bosnia and Herzegovina
Federation of Bosnia and Herzegovina
ZENICA-DOBOJ CANTON
MINISTRY OF ECONOMY

**PROGRAM
UTROŠKA BUDŽETSKIH SREDSTAVA
MINISTARSTVA ZA PRIVREDU U 2022. GODINI**
(Kapitalni transferi drugim nivoima vlasti-subvencije općinama za poslovne zone i druge projekte)

Zenica, august 2022. godine

1. ZAKONSKI OSNOV

Izrada Programa utroška budžetskih sredstava Ministarstva za privredu u 2022. godini (Kapitalni transferi drugim nivoima vlasti-subvencije općinama za poslovne zone i druge projekte), propisana je članovima 29. i 46. Zakona o izvršavanju Budžeta Zeničko-dobojskog kantona za 2022. godinu (“Službene novine Zeničko-dobojskog kantona”, broj: 1/22 i 14/22).

Budžetom Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22 i 14/22) odobrena su finansijska sredstva u ukupnom iznosu 1.000.000,00 KM (slovima: jedanmilijon konvertibilnih maraka) na ekonomskom kodu 615 100 (IAX007)- Kapitalni transferi drugim nivoima vlasti-subvencije općinama za poslovne zone i druge projekte.

2. NAČIN REALIZACIJE

Imajući u vidu raspoloživa sredstva, Ministarstvo za privredu je planiralo utrošak utvrđenih sredstava na slijedeći način:

2.1. Sufinansiranje uspostavljanja industrijskih/poslovnih zona

Iznos: 1.000.000,00 KM

Svrha:

Ministarstvo za privredu je sačinilo Projekat organizacije poslovnih zona na području Zeničko-dobojskog kantona. U proteklim godinama, Ministarstvo je sufinansiralo izradu projektne dokumentacije, izgradnju komunalne infrastrukture kao i otkup zemljišta u svrhu osnivanja/proširenja poslovnih zona na području Zeničko-dobojskog kantona. Ministarstvo je ove godine, shodno zahtjevima jedinica lokalne samouprave, planiralo izdvojiti sredstva za sufinansiranje troškova organizacije i izgradnje poslovnih zona na području Zeničko-dobojskog kantona.

Organizacija – primalac: Općine/Gradovi (JLS) Zeničko-dobojskog kantona

Kriterij: Ministarstvo će raspisati javni poziv za dodjelu sredstava u skladu sa Uputstvom o postupcima i kriterijima za odobravanje i dodjelu sredstava poticaja namijenjenih subvencioniranju troškova organizacije i izgradnje poslovnih zona na području Zeničko-dobojskog kantona na koje Vlada Zeničko-dobojskog kantona daje saglasnost, članom 46. Zakona o izvršavanju Budžeta Zeničko-dobojskog kantona za 2022. godinu, koristeći Smjernice o minimalnim standardima dodjele budžetskih sredstava putem transfera i subvencija („Službene novine Federacije BiH”, broj: 15/18), u mjeri u kojoj je primjenjivo, kako je utvrđeno članom 47. Zakona o izvršavanju Budžeta Zeničko-dobojskog kantona. Javni poziv, će u skladu sa Uputstvom o postupcima i kriterijima za odobravanje i dodjelu sredstava poticaja namijenjenih subvencioniranju troškova organizacije i izgradnje poslovnih zona na području Zeničko-dobojskog kantona, tačkom 23.c. Smjernica o minimalnim standardima dodjele budžetskih sredstava putem transfera i subvencija, sadržavati pisane kriterije na osnovu kojih će se izvršiti dodjela sredstava, sve u cilju efikasne, ekonomične i efektivne upotrebe budžetskih sredstava.

Realizacija ciljeva: Realizovati projekte sufinansiranja uspostavljanja poslovnih zona

3. REKAPITULACIJA

R.br.	Naziv programa	Planirana sredstva /KM/
1.	Sufinansiranje uspostavljanja industrijskih/poslovnih zona	1.000.000,00
UKUPNO		1.000.000,00

PREMIJER

Mirnes Bašić

Broj: 02-11-11981/22
Datum, 04.08.2022. godine
Z e n i c a

DOSTAVLJENO:
1x Ministarstvo za privredu,
1x Ministarstvo finansija,
1x a/a.